



Եղիշե Չարենց

Փողոցային պճրուհին

ՇԱՄԻՐԱՄ

Նորից անմար կարոտով գգվանքների ու հրի՝
Դու եկել ես տեսնելու քաղաքները Նաիրի:

Անհրապույր ու կանաչ քո աչքերը մեռելի
Ցանկությունով հրահրված՝ անհագ վառվել են էլի:

Դու անցնում ես ու տեսնում քաղաքները հիմա այն,
Որոնց տեղ խոտ էր բուսնում, երբ դեռ ապրում էր Արան:

Ա՛յլ է աշխարհը հիմա, ա՛յլ է հիմա Նաիրին,
Ո՛չ մի արքա էլ չկա, որ չտրվի քո հրին:

Մտի՛ր ակունքը հիմա, մտիր թատրոնն ու կաֆեն՝
Չազար արքա ու Արա կհանդիպեն ժպտադեն:

Ո՛չ վեճ է էլ հարկավոր, ո՛չ պատերազմ մահառիթ
Արքաների համար նոր բավական է մի ժպիտ.

Միայն ակնարկ մի թեթև և կտրվեն նրանք քեզ,
Քո հմայիչ ու անթև տարպանքներին հրակեզ:

Կգան մեկ-մեկ ու սիրով ու կտանջես նրանց դու
Անհագ կրքի ու սիրո նիզակներով քո հատու:

Եւ այնպիսի՝ տարփանքներ նրանք կտան հիմա քեզ,
Որ կամոքվի քո հոգին կարոտանքից սիրակեզ:

Բայց կլինի մի գիշեր ու հմայքով նաիրյան
Կբարձրանա մշուշից մանկաժպիտ քո Արան:

Նորի՛ց հոգիդ անսփռի կարոտանքով կվառվի
Ու սարսափով մի անօգ նորից կելնես դու կովի:

Եւ որպէսզի չտրվի նա ախտաժենտ քո հրին
Ոտքի կելնեն նրա հետ հագարամես Նայիրին:

Եւ դաշտերում Նայիրի կպարտվի նորից նա,
Կնահանջե գորքը հետ, երկիրը քեզ կմնա:

Նա կմեռնի, որպէս գոհ բայց չես հաղթի դու նրան.
Գառն է խորհուրդը սիրո, շամբշոտաշուրթ Շամիրամ:

1920
